

晦香詩鈔

埽葉山房印行

晦香續稿卷五

青浦諸聯星如氏撰

咏史

落落窮巷士。戚戚塵埃裏。短褐嗟不完。愁思曷可擬。遙見五陵兒。綺羅耀紅紫。當年車笠盟。倏忽若流水。已貴久忘賤。賤者何所恃。嗟嗟窮巷中。解衣竟誰是。須賈憐范。寒戀戀有如此。高風隔千載。慨慕無窮已。

鬱屈山上松。歷久志不磨。自謂棟梁材。不似桃李花。讒言一中之。終身致蹉跎。我懷廉將軍。講張抑何多。遺矢以為老。善飯徒見誇。烈士心不已。其如讒言何。才高勿見招。白首為咨嗟。鑠金復銷骨。斯語寧云差。

壯士具高節。磊落誰為倫。荆卿燕市中。哀歌動鬼神。既去不復返。渺茲虎狼秦。一摘雖不中。報仇志已伸。莫輕屠狗流。視之重千鈞。

捐身良獨難。報恩豈在死。匹夫溝瀆經。至聖所不齒。何為五百人。視生若敝屣。生既無所為。死亦將何以。唯是大義垂。半生特仰企。頂踵非不愛。男兒感知已。若較醜顏生。相去殊萬里。

位隆易招忌。功高豈足恃。狡兔一朝盡。走狗烹者是。敵國賴以亡。謀臣焉用此。淮陰

不挈臂。三族亦必死。事成或見疑。難與圖終始。同時汗馬臣。後先悉棄市。空教歌大風。又欲思猛士。

孔壁寂金石。楚相嗟不存。科斗剝落盡。遺文委路塵。濟南老宿儒。傳道心殷殷。女子嬌且婉。口授熟以馴。大義欣有托。掌故亦得人。展矣淹雅輩。厥功垂千春。

非分非所安。少年戒意氣。庖人不治庖。何與尸祝事。況逢有道時。庶人馬用議。曠觀今古間。多言實多累。洛陽有賈生。嘆息復流涕。安全兩未曾。鱗翰竟屏棄。上有英主疑。下有絳灌忌。既非內省榮。書生奚所濟。

人苦不知足。往往多營求。所求皆易副。更欲尋丹邱。丹邱在何許。縹緲五雲樓。武帝昔好道。乃從少君遊。大藥卒無成。銅仙空淚流。天下豈有仙。後悔徒煩憂。要知寂無事。即是安期傳。

昔日太史公。書成傳貨殖。立身良亦難。歛歛聞太息。既傷知音稀。復嘆罹刑極。丈夫負節操。每受錢奴逼。吁嗟齊相國。執鞭何所惜。

孤猿憶舊穴。飛鳥戀故枝。辛苦遠遊子。飄泊誰為思。我生寡所諧。少讀蘇李詩。人絕與路殊。會面謂有期。臨別立斯須。猶云歡樂時。古人隔萬里。惜別常依依。今人咫尺間。寸心安可知。

燦燦錦繡幔。馥馥椒蘭房。灼灼紅蕖苞。翼翼雙鴛鴦。文君親滌器。相如典鸛鷖。倡隨恣笑謔。睥睨侯與王。君子能固窮。貧乃士之常。王章亦豪客。惻惻中心傷。曷為兒女態。涕泣徒徬徨。

窮達曰有命。振衣從所欲。緬昔羊裘翁。不受世桎梏。維手執魚竿。足乃加帝腹。豈不念榮華。實恥升斗祿。雲臺雖云高。何如此卓犖。譬彼翻飛鴻。弋人徒遠矚。何事終南山。捷徑偶信宿。

朔風吹秋草。古劍時悲鳴。立功必邊野。傾耳聽鼓鉦。老驥志千里。烈士多豪情。一身何足惜。願為知己輕。南登交趾城。北走烏桓庭。披甲上駿馬。顧盼氣以勦。老去當益壯。矍鑠猶飛騰。何能卧牀上。兒女相嚶嚶。馬革以裹尸。千載貽令名。

氣凌霄漢上。心與飛鴻高。徘徊戶牖間。壯士志不撓。誰能具此概。扶風漢班超。班超亦儒士。投筆良雄豪。亦有志與略。奈何甘寂寥。思為南山鳥。振翼凌飛颺。

儒生事章句。立心中繩度。編衣若染淄。經術曷足數。媚諂技誠工。失已遂紕誤。馬融本俊才。而乃毀喬固。所讀何人書。名義不能顧。一朝權勢奪。千秋青史汙。

仲宣個儻才。依劉愧此生。登樓望四野。作賦雙淚零。眷焉懷故土。淒惻傷中誠。異鄉信為美。不若還故城。壯志苦未就。白日忽已傾。佳人在何許。悽愴悲遠行。局趣轅下

駒失路時悲鳴徘徊不忍去。俯首時悻悻。寄語千載下。依人難為情。

諸葛耕南陽。高歌吟梁父。被褐亦自得。草廬逢先主。若無三顧恩。悠悠祇延佇。顯榮會有時。守身若處女。標梅傷吾心。自炫竊不取。矧彼踰牆從。能無生愧沮。

青鬢變為白。兒女行相催。我欲出門去。有女牽我衣。牽衣入門坐。幼子時啼饑。饑寒不自保。焉用兒女為。顧無百年身。舐犢能無思。一心藏百慮。茫茫安所依。悲哉尚子平。婚嫁嗟何期。迢遙五嶽遊。願以待來茲。

悠悠不能寐。悵念荒與墟。四海皆行路。非君誰見親。手足何所別。同為父母身。願唯和且耽。以慰地下人。歡愛不由中。奚以成同根。咄嗟七步才。相煎何苦辛。一家尚秦越。焉得子萬民。

我生何不猶。遭此百憂侵。出門無所見。松柏成為林。邱墳日以古。觸物啼喑喑。烏鳥夜淒戚。反哺有微忱。何以萬物靈。不若階下禽。昊天報罔極。哀哀流苦音。王哀端本士。朝夕為披尋。誰無生我恩。泣血沾衣襟。廢書亦云是。終傷人子心。種我化為蒿。自問將何任。我亦藐諸孤。涕下誰能禁。

王戎執牙籌。鑽核還賣李。錢神親若兄。皇皇好綜理。所愛珠與金。遑計身與體。身體盡棄遺。奚知禮與義。銅臭遠偏人。誰云可嚮邇。奈何稟五行。而與馬牛齒。無乃戾氣。

鍾造物偶生此。我則異乎是。反為衆所訾。蹢躅甕牖間。薰蕕孰相似。維有王夷甫。風流竊自喜。

傾想竹林遊。蕭疎我所愛。論友如論山。平平何足貴。山王或貴顯。五君露狂態。名教縱云樂。嘯傲曷有害。龍性未可馴。越禮奚足怪。燕雀測鸞志。目之為狂悖。聖賢自有真。笑世入幃內。陋彼拘墟儒。令人不可耐。

男兒有時運。雌雄何足數。置身非青雲。黃金變為土。一據要路津。豚犬威于虎。馬周時未至。新豐甘荼苦。貧賤欲驕人。無乃太齟齬。

白也隴西士。流離楚漢間。十五好劍術。三十雄文壇。有學究天人。有筆搖河山。一朝不得志。涕泗何潛潛。詩酒聊為樂。疎狂焉可攀。吁嗟千載下。徒以詩人看。詩人非所願。聊以寫憂患。

### 曉行

殘月曉欲墜。郊原曙色清。隔溪聞犬吠。前岸有人行。草泫中宵露。鐘移遠市聲。匆匆情未已。殘夢尚分明。

### 秋思

遠望迢迢起浩歌。無聊心性近如何。陶公門巷栽楊柳。屈子衣裳戀芰荷。九月離情

江上葉一天秋思洞庭波。昨宵偶睡蕉窗下。更覺風聲到枕多。

送友重遊五臺山歌

五臺山在天之北。文殊菩薩恒棲宿。吾昔曾于午夢酣。飄然飛上紫霞谷。松風泠泠吹夢醒。醒來頓覺烟霞失。回首煙霞何處尋。五朵芙蓉俱泯滅。去年君自汾陽歸。却喜五臺境可述。東南之間多奇蹤。覆盂鰲脊何龍嵒。雜花彌布錦繡峰。大海東望來。罡風金閣一一堆空中。棗林仙子何時逢。北臺之高四十里。上薄斗杓凌蒼穹。三十里登仙臺。一輪掛處明鏡開。千年老龍攫雲霧。後現出沒空中來。羣峰聯屬勢相向。中臺獨立羣峰上。谿冰谷雪久未消。中有天桃忽蕩漾。俯視滹沱凍不流。靜數天花自飄颺。屢述嚴華經上趣。宛似當年夢到處。去年已聽君雄談。今年又送君遊去。此去原來是舊遊。千巖萬壑爭紛投。秘魔之碑深且幽。昔日題詩今在不。君遊我夢兩悠悠。隨君直上青峰頭。人生在世得稱意。何須海外求瀛洲。作詩贈君送君行。山精前導遙相迎。迷花倚石路不定。老僧毛髮非舊形。唯有林嵐忘世情。青山當是前年青。望君還上五王城。再述奇蹤與我聽。

過嘉定

秋水綠無際。輕帆日暮行。深烟藏小艇。遠樹露孤城。弦月忽然白。夜潮還未生。隣船

相傍處。急為問前程。

春游雜賦

春信連番送曉寒。袂衣初試上輕鞍。算來清福生何負。料此塵緣脫尚難。身比孤雲誰倚托。心如斜月望團圓。漫游草草慚無記。歸寫丹青仔細看。童冠招呼陌上行。清明天氣半陰晴。江城梅柳皆新式。草野謳歌有正聲。到死方能忘燕樂。謀生原不會聰明。隨他鷗鷺前頭去。莫管離家路幾程。又為採芳坐綠苔。秋千架畔獨遲徊。貪看蝴蝶雙飛至。便問櫻桃幾樹開。客有油衣容借得。家留茶具待攜來。山僮指點仙居近。屢勸追尋未肯回。羽扇綸巾鶴氅裘。儼然儒雅亦風流。休嫌花瓣黏雙屐。且任殘陽照滿頭。燕子依人還繾綣。東風吹我更溫柔。青銅錢挂紅藤杖。只是今朝不買愁。無懷民與葛天民。洞口溪邊來往頻。偶向林嵐償舊約。相逢猿鶴悟前身。青山帶笑忙迎客。黃鳥含顰巧喚人。消得阮孚幾緉屐。偏教遊戲有精神。選勝匆匆去踏青。佩聲搖曳響玲玎。生涯畧似泥中絮。事業渾如水上萍。柳綰新愁容易長。風吹殘夢幾時醒。微吟我是無同調。蝶板鶯簧和不停。卯色晴天霧乍消。平原草淺路迢迢。恰隨明月來前渚。又踏飛花過板橋。半點柔情

憐未斷。幾場閒事說無慘。水仙小字咸稱慣。再制三舟趁蚤潮。  
亦簪幡勝帽微偏。暗數流光祇自憐。繡陌烏銜紅杏雨。綺樓人護綠楊煙。何妨金粉  
為詩料。可否莓苔當酒錢。此後應添懷抱好。心情都付豔陽天。

鄧尉探梅圖歌為嶺南葉芝亭作

我昔夢至羅浮峰。飄然身在梅花中。梅花一瓣落吾身。花間好夢何匆匆。有客來自  
羊城道。為說嶺南春信早。春信知君遠帶來。瓊花萬樹緣君開。虎山橋下雪未掃。上  
陽村畔風尤好。銅井銅阮杳雪多。疲驢破帽時經過。對此躊躇弗忍去。繪圖欲作三  
春住。先生本似梅花清。玉笛一聲吹月明。梅花還比先生瘦。寒友遙在深山候。欣聞  
名士愛名花。予亦清遊興不賒。清懷此夕衝寒起。兩地相思不能已。請君且住米堆  
山。我將復到羅浮矣。

西洲曲

昨夜過西洲。西洲新水流。新水流不極。縈繞江上樓。樓上人如玉。盈盈歌一曲。小臉  
櫻桃紅。雙鬢鵝頭綠。捲簾樓下來。風吹麟帶開。望郎郎不見。日暮空徘徊。徘徊攜柔  
櫓。採蓮至南浦。不識蓮花香。但覺蓮心苦。苦心知者稀。身瘦寬羅衣。停橈欲整衣。驚  
起鴛鴦飛。鴛鴦在何處。交頸雙雙語。語語傷人心。郎遊無好音。郎音何契闊。儂心不

可割望郎郎不來。低頭弄明月。明月空悠悠。儂愁郎未愁。夜旦西風起。花落滿西洲。

畫眉曲

樓外青山映玳簾。樓頭粉筆畫纖纖。隨宜深淺郎知道。不倩秋波問鏡奩。

古詩

嫩人感艷陽。笑把鴛鴦繡。不解相思苦。學種雙紅豆。斜倚合歡牀。東風吹忽起。聽賣櫻桃花。不惜除簪珥。惜花下階來。手取金鈴繫。蛺蝶自雙雙。飛上流蘇髻。昨夜嬌雲凍。甘與歡同夢。生憎春日長。且抱雲和弄。

薄命篇和友人咏隣姬事

鏡破不復圓。絲斷不復連。一代紅顏淪草莽。傷心淚落如飛泉。紅顏為問誰家子。廣額豐頤露皓齒。風流豈讓黨家兒。聰明原屬康成婢。憶昔娉婷未嫁時。梅腮新點紅馬支。年紀依稀劉碧玉。溫柔隱約謝芳姿。春來結束芳隄上。雨剪晴波忽蕩漾。緩意深情不自持。冬郎年少添惆悵。惆悵青鸞信未來。蜂媒蝶使屢相催。競傳犀帶能相易。休說湖陽事不諧。佇見花街迎繡轂。鴛鴦共羨雙栖宿。李倫豈惜換明珠。阿嬌定欲藏金屋。金屋藏來體更香。郎君情緒亦深長。糝糊好夢蒲萄被。飄蕩春風玳瑁牀。

尤雲殢雨朝復暮。春花秋月等閒度。爭憐新寵擅專房。家雞野鷺紛相妬。相妬相嗔無已時。退為房老淚如絲。寂寥徒買長門賦。棄置空吟紈扇詩。詩成鎮日添離怨。金釵珠篸俱零亂。舊篋已無金縷衣。中厨更減昭陽膳。空牀獨宿嘆伶仃。繡佛長齋問杳冥。心比芭蕉自舒捲。姿同蒲柳漸凋零。從此雙眉常深鎖。幽窗冷雨蕭蕭坐。慧業雖傾。呂后鵲。閒情寧學夷光舸。誰知謠詠更無休。不許含顰守翠樓。一朝呵叱出門前。門前已繫木蘭舟。舟行杳渺云何處。偽說歸寧從此去。波聲洶湧自天來。始知錯信桃源路。路上狂且帶笑前。袖中徐出小紅箋。紅箋認得幾行字。竟是蕭郎訣絕言。此時幽怨誰人諒。此際愁懷不可量。生憎柳絮逐東風。倏忽才人嫁廝養。屈指相依十五年。雛成小鳳亦翩翩。牀前兒女遙難問。夢裏鶯花尚可憐。翠損紅飄今半載。盟山誓海嗟何在。一旦榮華土不如。蛾眉蟬鬢無光彩。嘆息釵分頃刻間。那堪重過望夫山。明妃此日歸沙漠。蔡琰何年返漢關。予自年來心慳慙。三春偶放風情動。王珉辛苦題團扇。阮氏倉皇惜人種。舊憾新愁近轉多。尊前高唱斷腸歌。相看大有江州淚。招悵三生喚奈何。

萸香相約夜宿青樓予不果行賦以寄之

輕裘緩帶倚羊車。夜宿珠簾第幾家。遊子清魂同柳絮。美人小影是桃花。因緣合向

三生定。去住終歸一念差。縱有清懷徒悵望。紅樓無奈夕陽遮。

宮詞

燕語珠簾外。春風拂苑牆。君恩今夜近。聞說幸昭陽。

納涼

流螢幾點撲銀缸。獨坐空庭氣下降。為看樓頭好明月。今宵夜半未關窗。

烟草歌

菸草種傳呂宋外。花似海棠葉似菜。日中巧製製成絲。暴乾爭向漳泉賣。漳泉馬氏更傳名。辟瘴消寒更有名。石馬余糖分次第。金絲辣麝記分明。不向靈均問醉醒。不羨君謨鬪香茗。餘韻能教舌底存。孤燈寧放殘灰冷。爝火星星徹夜薰。噴從鼻觀繞煙雲。香分蘭蕙花初放。味勝蒲萄酒半醺。幽人自號餐霞客。手執緗囊不忍釋。龍團雀舌共清閒。檳榔鴉片同沉溺。亦有佳人字莫愁。無聊日暮心悠悠。縷金小盒牀頭置。筠管牙纒倚畫樓。笑問相思味多少。相思滋味終難道。芳名爭說返魂香。碧苗競指忘憂草。予自年來愁未耜。朝朝笑買黑於菟。不識龍耕有瑤草。含毫且詠淡巴菰。

生同兒志感

嗚呼我少孤。及長不省怙。風木徒悲傷。音容嗟修阻。為憶始生時。懸弧喧鐘鼓。隣里

誦寧馨。謂可光門戶。頃刻遭閔。顯揚竟虛語。落拓已半生。少壯力不努。唯望後人賢。或以繩祖武。今生長頭兒。悲歡實參伍。痛哭九泉間。含飴不及覩。更憐兒命慳。不能見乃祖。試啼驗英明。剪髮看媚嫵。賢愚豈逆知。壽夭未可數。何況變態多。為山止簣土。如此襁褓中。焉知後建樹。譬彼力田人。時秧期秋取。我家文種延。相承又在汝。學古乃有獲。昌黎勤訓詁。聰明或誤人。坡公祝愚魯。誕生須良時。初服卜純祐。在昔子同生。賜名示千古。今汝覽揆時。佳辰同爾父。我今尚壯年。汝長行可佇。我生雖不辰。克承清白譜。念茲一綫延。賴以續前緒。呱呱亦何知。嘒嘒實無補。

隴上作

惆悵西風土一坏。哀號東郭淚雙流。過江未必能興范。守墓終難說報劉。地下有靈空怙恃。人間無計問松楸。慈烏返哺三年杳。小草含暉萬里秋。

晚泊

日暮依寒渚。倉茫路欲迷。微雲逗新月。漁火隱前溪。極目荒江夜。傷心杜宇啼。榜歌聽不得。徙倚竹樓西。

後放歌

狂風吹白日。上帝弄孩嬰。人生于世一無能。舉頭問天天無聲。天可捫兮心縱橫。駕

青虬兮驂長鯨。五色之旗紛紛而來迎。雷霆砰訇作音樂。煙霞翻簸陳旗旌。導我直上遊太清。吸河漢之精液。摘絡繹之飛星。手折若木開空明。召豐隆兮颺威靈。投壺玉女笑我謫下風塵苦。蹙蹙逃歸復何補。觀清都。朝帝主。問太微之所居。陳下臣之微緒。天闕雖遙遙。上帝或望予。上少司命兮卒然遇。為我倉皇叩玉宇。聞者見之忽吼怒。罡風吹我歸下土。蒼穹不察予之精神兮。悵獨行而踽踽。渤海之東。不知幾千萬里。我欲從之。感且駭。從我之人。其安在。裸人國兮黑齒民。毛身綠眼遙相待。長嘯一聲。澗霧開。手斬癡龍下。菹醢入蜃樓。尋海市。騎驄馬。搏水兕。乘玉沕以下流。踏圖潏之奇詭。崩雲屑雨不可擬。豈與塵世相遷迤。吾寧終吾身兮。流亡而溘死。冰夷鼓掌。琴高仰視。君思樂土姑舍是。天吳邁迓而無度兮。蜩象閃屍而食人之髓。神蜈鉤蛇橫行張哆。頰螫文魃。磨牙礪齒。我將惡此而逃之。汝何為而至於此。

有鬼招我行。我便隨之去。丈夫侘傺淚滿衣。何用囁囁逐塵步。臨朔風而躊躇。向幽篁而延慕。啼烟兮嘯雨。飲泉兮棲墓。我來處此兮。山精嘯聚。羣醜高張。蛟眉蟒目。縞帶藍裳。莫瞰我室笑我傍。為爾驅神荼鬱壘於遐方。衆鬼德我。酖醢踉蹌。魑蜮拂劍野魑稱觴。大鬼噉嘈。小鬼跳梁。啾啾踴躍遊冶場。有時大笑一拍掌。行尸走鬼爭蒼

惶笑遣鬼奴逞伎倆。怒裂鬼頭充酒漿。鬼亦畏我狂。勸我還故鄉。浩歌一曲安我常。壯士軒昂。恥與魑魅爭光。

泊舟珠溪

習習初占五兩風。人煙深處捲疎篷。如何咫尺鄉關路。短夢今宵便不同。

澱湖遇盜歌

今唯皇建其有極。豈有匪人敢作慝。趁得長風至澱湖。欸乃清歌聲不息。予時高卧枕烟波。鼫聲直與潮相激。夜半同人遽然興。盡說頃時遇奇厄。綠林豪客恃強來。十幅蒲帆左右偏。天容慘淡四無聲。刀光劍影空中擲。手足倉茫兩眼昏。屏氣不息汗則滴。蜂蟄之毒嗟莫當。蔡裔一呼那可得。誰知身係白波兵。爭憐命付荏蒲澤。我儕懦弱本性成。况此孤踪寄船舶。相翔者誅令不聞。題詩李涉慚何益。幸有天風特地吹。轉瞬帆開脫荆棘。我聞此語徑曰否。生遭盛世終無賊。或是孤行驚恐餘猜嫌之下多疑迹。不然亦在睡夢中。意緒慌忙失魂魄。貧窶我無誨盜心。敢笑諸君太無識。

展琴溪伯父墓

一片荒原草離離。覆墓田可憐猶子淚。灑不到重泉。古寺懸殘月。斜暉鎖斷烟。竹林觴咏處。回首意淒然。

哭雨時四弟

吁嗟我四弟。意氣殊飛揚。年少工翰墨。拔幟登文場。修名謂可立。早晚賦長楊。唯幼失怙恃。默默中心傷。與我尤相依。朝夕無參商。悌弟本至性。愛敬何周詳。不圖二豎侵。醫藥多傍徨。抱病未及旬。倏爾遭天殃。我行負神明。使汝遭短殤。有弟不能養。我罪實深長。今汝九泉間。得以事高堂。溫清及定省。諒無缺其常。視我覩然生。相去詎可量。我上有長兄。弱齡即天亡。天倫地下多。握手宜相羊。死者長已矣。生者空遑遑。痛汝名未立。廿年功未償。恨汝婚未成。破鏡感樂昌。壽夭本難知。高歌問彼蒼。寔望為早營。一坏依兄傍。英魂當不泯。庶幾夢可望。

雨中尋陳黃門墓

古墓依稀悵寂寥。荒原衰草溯前朝。東林事業終何濟。幾社文章自不挑。精衛有情填瀚海。鴟夷無血灑江潮。先生可作應憐我。秋雨淒清賦大招。

對酒

對酒無聊甚。蒼茫泣當歌。愚因謀事拙。貧竟負人多。舊業心猶壯。新愁鬢欲皤。夜來吟九辨。獨醒復如何。

西湖曲

鼓棹泛西湖。西湖月初上。新水何悠悠。空明盪兩槳。兩槳沙棠船。船中唱採蓮。朱唇發妙響。裊裊含輕烟。煙波三十里。青山落船底。船底浪花生。波紋細于綺。忽見桃花開。片片隨風來。風來湖水淨。兩岸平如鏡。鏡影似相招。長橋復短橋。橋頭人獨立。黯然神魂消。魂消無意緒。又向湖心去。曲院新荷生。柳浪離鶯語。語語怨春寒。相思淚未乾。徘徊不能已。為倚紅闌干。

### 登吳山大觀臺

我登大觀亭。子歌高歌。寶蓮瑞石何嵯峨。峭壁晴崖列屏障。左江右湖來盤渦。牛眠舞鶴十二峰。峰中雲氣時相過。離明有象勢莫遏。以坎鎮之理不訛。丁仙蟬蛻去已久。青霞石骨雲成窩。第一山頭肆遐矚。米顛大字三摩挲。萬家煙火近可接。鉤心鬬角同星羅。子午泉聲落林杪。橐駝瘦影懸層阿。同人僵坐山之坡。迢遙疑我煙中蹉。平生直上無退心。攀援而至如旋螺。陟險不覺身羸痾。以手代足手為摩。登山未到山絕頂。何異平地相婆娑。居高一呼山谷應。下視人世真么麼。上達帝座有幾何。驚人之句當長哦。我登大觀亭。子歌高歌。知有山靈來護呵。

### 雨中遊孤山

孤山面面環西湖。聳然特立煙模糊。裏湖外湖相盤紆。北山南山光有無。登高壯觀